

杭縣志稿

第一冊
序件選題



245.13

42

部二 1-20

整理說明

今年五月，我們在整理檔案資料時發現了一部《杭縣志稿》。此稿修于一九四六至一九四八年。當時杭縣縣政府曾有「修志館」之設，聘汪堅青為館長，姚壽慈（字竹軒）為總纂，管偉（號管山亭長）為副纂。于一九四六年秋開始工作，至一九四八年底，因國民黨政局危殆，人心思變，經費短缺而告終止。志稿雖未成書，然已初具雛形。其中通紀、物產、水利、財政等六卷已經成稿；輿地、人口、政教等八卷寫就初稿，尚待釐訂；其餘則多為資料。唯卷一《列圖》全缺。文稿和資料共一百餘萬字，分訂五十二冊。

杭縣志稿 卷一

一

這是原杭縣建制以來唯一的一部縣志。其編纂大綱遵一般志書體例并經省民政廳轉報國民政府內務部批准。志稿雖有斷綫缺門，但上自有史以來，下止解放前夕，除引用正史外，還有不少稗記野史和當時調查所得的資料，堪稱翔實。可為編修新志參考和借鑒。文字除少數稍嫌冗繁外，多亦流暢。縣委、縣府領導對

此志稿頗為闕注。我辦乃決計進行整理，以為今用。

為尊重歷史，尊重原作，我們在整理中注意了以下幾點：

一、按原稿綱目，把零亂的系統起來，分散的集中起來，未編的完成編次工作，使首尾相銜。原稿短缺的，不予增補，悉如原狀。

二、發現原稿錯誤或不妥之處，屬事實出入（如年代、地點）或技術性差錯（如筆誤）則據實更改，屬觀點上錯誤，不予更動，讀者自

杭縣志稿一卷

二

可辨明。

三、未成稿的資料，按其性質，或補入有關篇目，或作附錄。其餘的作為資料保存。

整理工作自六月始，歷七月。其間，我們還查閱了當時杭縣的修志檔案和有關於報刊資料，訪問了現在還健在的原修志館工作人員。至十二月中旬完成了修訂編輯工作。志稿整理後，按原綱目分為十八卷，共六十餘萬字，仍名為《杭縣志稿》。并尊重原編纂管偉的意願，以《綺雲叢載》為副題，于每卷卷首標明

。文徵、雜記兩卷，凡杭州府志，仁、錢兩縣志已有者，不再列入。有關杭縣詩詞則悉錄之。人物志多從舊志過錄，故只按年代編錄其姓名而省其事跡。

在整理過程中，受到了杭州市圖書館古籍部和浙江地方志協會指導和幫助。特別是市圖書館古籍部承擔了校點和印行工作，給我們很大鼓勵，是對志稿整理工作很大的推動。謹此誌謝。

餘杭縣志辦公室

杭縣志稿 卷

三

一九八五年十二月十四日

倚雲叢載序目

三十五年秋杭縣有修志之舉館於倚雲樓館長汪君堅青推姚君竹軒為總纂僕亦濫等其間惟是歷劫之後舊籍云亡康熙年間所修錢塘仁和二志已不可得官署業卷悉遭毀滅所據以編纂者僅嘉靖仁和志萬曆錢塘志及杭州府志而已館中儲書無多不足以資參考兼之物價奇昂力不能購置抑亦無從購置採訪所得寥寥無幾蓋採訪者率多牽於謀衣食計不及專注意於此又經費奇絀不能親自採訪雖努力撙輯而屬稿未能遽定至三十七年初

杭縣志稿卷

一

冬改志館為文獻委員會冬盡姚君又歸道山同事諸君方圖罷勉從事俾得早觀厥成三十八年四月解放軍至處隣鎮者倉皇作歸計迨人民政府派員接收此舉因之中輟自時厥後僕間居是賦而兩年餘之勞勩不欲擲諸虛牝乃取棄稿與汪君共事整理未纂者闕之計得若干卷雖覆瓿不卹也編纂未竣不能名為杭志署曰倚雲叢載聊以自娛後之君子儻踵成斯舉或亦可為為山之一簣也歟

中華民國三十八年十月十日海寧管偉謹書

杭縣修志館編纂大綱草案

寶齋章氏曰志乘為一縣之書即古者一國之史也一國之史如晉乘楚檮杌魯春秋其文其事不盡傳要皆周官四方志之遺制也魏晉而後任陸所編地記亡佚不可見記郡邑者鄭志著錄方志餘緒而已至宋南渡而郡縣志出於是國家政治與民間事業相互而成地方之志益志其名史其實史體之變時代繫焉方今世界隸通杭縣又治當附郭其間政教制度人民職業與夫社會團體宗教禮俗莫不有遞嬗之迹象隨之為因為革紀載者從而損益遵史例

杭縣志稿卷

一

適國情焉玄嬰

即陳

先生云地方之志道古不如

合今觀所修定海鄞縣兩志體裁節目足垂法式爰秉斯義畧事變通文黜華而崇實事彰往以開來酌訂例目誓達準繩惟縣境兼錢仁兩縣自城區等六區劃歸杭市志中輿地建築等涉杭市者概不載入縣治所及縣立學校倉庫等在市區內者別加細注交通內牽連及市區者一併注明以清界限至人物選舉藝文所載里居今難悉考故著籍錢仁者志均采列斷自清代以存遺文佚獻云爾

杭縣志稿目次

卷一

目錄序跋 附杭縣縣境圖

卷二

通紀一

卷三

通紀二

卷四

輿地 經緯度 疆域 形勢 面積 建置沿革 革 氣候 地質 地形 古迹名勝

卷五

杭縣志稿 卷目錄

人口

卷六

物產 植物類：食用 工用 藥用 觀賞用 動物類：鳥獸 蟲魚

卷七

建築一 公署 倉庫 橋梁

卷八

建築二 祠廟 冢墓 義冢

卷九

水利 江海河漾塘 堰壩 筧 閘（陡門） 圩堤 水利機構

卷十

災異

卷十一

政教一

卷十二

政教二

卷十三

禮俗

卷十四

實業

農業

工業

礦業

商業

漁業

鹽業

牧業

森林

卷十五

杭縣志

稿一 卷 目錄

二

交通

陸路

水路

鐵路

卷十六

警衛 軍政

警察 軍防

保衛團

卷十七

財政

貨幣 金融 各種捐稅

賦稅 一 二

卷十八

選舉

本目內容均自宣統杭州府志轉載 無甚參考價值為節省篇幅決予刪去留目

卷十九

人物

情形與選舉同 刪文留目

卷二十

藝文一

卷二十一

藝文二

卷二十二

藝文三

卷二十三

雜記

卷二十四

文徵一

卷二十五

杭縣志稿

文徵二

卷目錄

三

終

杭縣志稿卷一 前志序跋

府志

乾道臨安志十五卷長興周淙撰

陳振孫書錄解題府帥吳興周淙彥廣撰首卷為行在所於宮闕殿閣全不記載藉口禁省嚴秘不敢明著其視宋次道東宮記何其大不侔其他沿革亦多疏略然淙有才具其尹京時開湖濬河有成緒今城中河道通利民戶為脚船以濟行旅者蓋自此始

四庫全書總目乾道臨安志三卷宋周淙撰淙字

杭縣志稿卷一

一

彥廣湖州長興人乾道五年以右文殿修撰知臨安府創為此志原本凡十五卷見宋史藝文志其後淳祐間施諤咸淳間潛說友歷事編纂皆有成書今惟潛志尚存鈔帙周施二志世已無傳此本為杭州孫仰曾家所藏宋槧本卷首但題作臨安志而中間稱高宗為光堯太上皇帝稱孝宗為今上紀牧守至淙而止其為乾道無疑惟自第四卷以下俱已闕失所存者僅十之一二為可惜耳第一卷紀宮闕官署題曰行在所以別於郡志體例最善後潛志實遵用之二卷分沿革星野風俗州



境城社、戶口、廨舍、學校、科舉、軍營、坊市、界分、橋梁、物產、土貢、稅賦、倉場、館驛等諸子目，而以亭臺樓觀、閣軒、埒其後。叙錄簡括，深有體要。三卷紀自吳至宋乾道中諸牧守，詳略皆得其宜。宗尹京時，撩湖浚渠，頗留心於地利，故所著述亦具有條理。今其書雖殘闕不完，而於南宋地志中為最古之本。考武林掌故者，要必於是書稱首焉。

乾道志今存者三卷。仁和丁氏武林掌故叢編本。仁和孫氏影宋刻本。會稽章氏四川刻本。

淳祐臨安志施諤撰。

杭縣志稿卷一

二

阮元四庫未收書目提要，淳祐臨安志六卷。宋施諤撰。按兩浙古志，北宋圖經久已無考。至南宋建為行都，其志乘傳於今者，則有周濬乾道志、潛說友咸淳志二種。已經四庫全書采錄。此志從宋刻殘本影寫，僅存五卷。至十卷，無序目可稽。觀書中叙錄皆至淳祐間府尹趙與憲而止。其為施諤所撰，淳祐志無疑。所存惟城府、山川二門。前有總論一篇，異於他志。其叙城府一、首城社，次宮宇，次舊治古蹟，次今治續建，為第五卷。城府二、首學校，次樓觀，次園館，次廂隅，次軍營，為第六卷。城府三、首坊巷。

次界分、次橋梁、次倉場庫務、次館驛為第七卷、叙山川一、首城內諸山、次城南諸山、次城西諸山、次亭館、次古蹟、為第八卷、山川二、首城東諸山、次城內外諸嶺、次諸洞、次諸石、次諸塢、次俗術關、為第九卷、山川三、首江、次湖、次河渠、次水閘、為第十卷、諸門皆為咸淳志所本、而各條下引載前賢題咏詩文、則互有詳略、此與乾道咸淳二志備載南宋數朝掌故、藉補史傳之遺、皆未可以殘闕廢也。

淳祐臨安志輯逸八卷、清仁和胡敬輯

胡敬崇雅堂詩集自

注云、余從永樂大典錄出施詔淳祐臨安志殘本、釐為十六卷、於寺觀獨詳、仁和丁氏武林掌故

杭縣志稿卷一

三

叢編本八卷蓋原稿經亂已佚其半矣

咸淳臨安志一百卷、縉雲潛說友撰

潛說友序略、太平興國三年、吳越以其地歸我、職方氏是歲、杭始置守丞、建炎陞府、遂為行在所、按古志、杭舊屬會稽、禹於此舍航而陸、故名、嘗試觀之、有車船橈楫之蹟、故其人至於今、忠以勤、有苗山封爵功德之會、故其人至於今、勸於為善者、有織具橘柚之貢、故其人至於今、知尊君而愛親、錢氏生長其間、性習自然、國三世、四王而終、不失其臣節、迨宋之興也、深察夫人心歸德之天、如川斯

赴天地之間燥濕風雲萬物一氣杭獨為天下先者以先王聲教之所漸者遠知帝王正統所在焉故也自時厥後我國家視之如在甸服率選公卿大臣寵綏之湛恩醲化涵浸滋久益固結而不可解南渡艱難之際旄倪提攜左簞左壺牛酒相屬於道頓首六虬之下如見父母雖屢更大震撼而莫之變迄用永我命於茲新邑迹是三百年間杭之有功於國家也甚大而祖宗之有德於杭亦深矣開慶羣小誤國召戎一時謀臣或倡異議幾搖根本賴先皇帝獨倚今太傅平章國公外頓八紘

杭縣志稿卷一

四

內維九鼎宗廟社稷之靈恃以妥寧卒之披攘蒙露再奠宇宙至今八街九陌歌鼓四時往往相與咨歎不圖復見今日嗚呼我理宗有德於杭也不又大歟暇日視故府閱郡乘或病其漏且舛乃葺而正之增而益之凡為圖為表為志總百卷而冠以行在所錄尊王室也既成上之天府以備考數之萬一焉

咸淳志今存九十六卷清道光庚寅錢塘振綺堂

汪氏影宋刻本

洪武杭州府志天台徐一夔撰 卷冊未詳

永樂杭州府志 撰人卷冊皆未詳

景泰杭州府志 撰人卷冊皆未詳

正統杭州府志 仁和周伯器撰

周亮工書影正統間仁和周伯器年九十修杭州志鐙下書蠅頭字界畫烏闌不折紙為範毫髮不爽

成化杭州府志六十三卷郡人夏時正撰

夏時正序略郡有舊志洪武中郡學教授徐一夔所修永樂間有續志景泰間又續之而今官府皆亡矣前年巡撫浙江都憲劉公敷欲修之不果去

杭縣志稿卷一

五

年巡按浙江監御史建寧吳公文元姑蘇夏公璣浙江布按二司方伯祁陽甯公良昌黎杜公謙大參嘉魚李公田憲使沔池戴公珙憲副豐城楊公瑄當塗端公宏咸謂當修而不可終不果也以余老閑在家枉顧見屬淺薄難堪辭再至三僉問其人乃以南京刑部郎中仁和項君麒嘉禾周君鼎洎錢塘劉英仁和陸理薦遂於今年二月十七日開局於城北妙行寺志書泉上萬佛寶閣是日甯杜二公枉為勸甯公躬為發凡言例授已而還於時項君以奉親不暇辭弗至無何周君歸不再來

而終其事者劉陸二子爾。既而監察御史湖湘方公昇八閩陳公紀咸巡按蒞杭。前後遇臨方公其代吳公者也。每為論列示其指歸。夏公偕來。又復無時存省。而郡守淮陰陳侯讓下車垂詢茲事。獎勸惟勤。於是二子知奮不懈。益虔自朝日昃。至夜之分。殊批墨勩。心口相讐。是冬孟月。書成。總計六十三卷。而目錄凡例纂圖別為一卷。書呈甯杜二公。復加校定。將刻之梓。屬序於余。乃言曰。自洪武至今百有餘年。洪武舊志。永樂景泰之續。得之民間。脫謬殊甚。官府簡牘。莫得盡稽。故老彫殘。傳聞彌寡。劉君悉心採訪。雖僅有得。實萬漏而一。挂耳。自今不書則益遠。益昧。益無所書矣。於是諸公之所以拳拳不可終已者。有足尚。而此邱陵山澤。其後為高為下。庶有所因也。

甯良序略。杭之地志。修於潛說友。再修於徐一夔。再修於永樂。景泰間之朝。遣諸君子。亦可謂備矣。而必欲再修之者。蓋說友當咸淳之間。宋室偏安。多言行在之事。而條目不倫。一夔當洪武初。天下始定。又以前元闕於修志。致多脫畧。永樂景泰間。復雜采於人。不出一手。杭之地志。必於今而後可。

大備矣

萬曆杭州府志一百卷郡人陳善撰

按浙江方志考謂明知府歷城

劉伯縉等修錢塘陳善撰又有外志一卷

陳善序略杭為天下名郡吳越開鎮南宋啟都山川形勝物產賢才視他郡特異宜有文獻以章盛美而郡乘弗稱曠且百年識者病焉前督撫常熟徐公深憫舊編脫爛圖惟更新乃謀於學使陝右喬公俾興是役而先郡守白下吳公今郡守歷下劉公協心並贊樂觀厥成諏日戒期責成於僕郡公委幣縣吏具餐仍選諸生之秀者與共校讐開

杭縣志稿卷一

七

局於褒忠祠諸共事者凡十二人始終竟其役者僅五人綜括舊文證以傳述芟繁蕪穢故實罔遺則諸生之力為多若國朝名宦人物及全編中諸多論叙此為僕所竊取者不敢妄也又以郡之大事不可無紀爰自三代迄元洎國初迄今諸可備覽鏡者各彙為三卷編年則準諸春秋分注則倣於綱目義關勸戒傳備信疑始事於萬曆丁丑五月成於萬曆壬寅十二月為目凡三十七為卷凡百為書凡二十八帙

徐拭序略予奉璽書撫浙輒緝舊志視成務猶然

成化年間籍也。文獻不徵，空言亡補。孔子嘗歎杞宋，今視杭志，文獻謂何矣。西湖在杭，大澤之壘空耳。能文者志其游覽，又志其餘，而杭闕如，謂非吏茲土者之責。且欲以修憲齊政，酌張弛之中，而不易土俗之宜，法其治狀，而表其風教，百年之間，漫不可考，遵何繩墨哉。續往牒，待來者，與之更始，其在今日，亡何諸大夫相與輯成之，予手帙而讀焉，見其凡例品目，刪潤裒益，有味乎其志之也。按今思古，吾知有合矣。

康熙杭州府志四十卷，關西馬如龍修。

按浙江方志考，志為知府

杭縣志稿卷一

八

綏德馬如龍等修，仁和楊蘊等纂，又首一卷。

王挾序略，宋有三志，曰乾道，曰淳祐，曰咸淳。明則有洪武、永樂、景泰、成化、萬曆五志焉。今成化志僅存，而萬曆志則自三代迄明數千年間治亂因革，考據詳贖，後此百有餘年，固絕而莫之續也。康熙二十三年，諭禮臣請下詔修本朝一統志，天下郡縣徵文考獻，惟恐後期，而郡太守關西馬君以博洽之才，綜著述之任，縉紳縫掖，罔弗周諮，野乘裨官，咸加蒐訂，聚耳目所羅致者，合諸舊志而修貫之，譌者正，闕者補，疑者核其實，冗者芟其蕪，三易

稿始成起例發凡要歸於盡善余以史臣拜典學之命二載於茲鞅掌作人幸告無罪頃者決科省會而是書適底於成

顧豹文序略吾郡之志今日僅而見之者於勝國則有成化於趙宋則有咸淳成化之志極其闕肆而時有不經咸淳之志則為賈氏一門之書徒飾其非以欺世耳敬亭之於萬曆盡刪而棄之不可謂非無識也然兩志由是遂亡君子惜之記不云乎衣服在身不知其名謂之罔吾浙於春秋左氏所紀為略而吳越春秋越絕之書並行於是孫武

杭縣志稿卷一

九

伍員之霸功范蠡文種之殊績顯顯然微諸耳目後之讀者為之膽張心動鬚眉歷然非由二書之功乎而奈之何其盡刪之也我國家底定九有廓清四海武功已奏文教聿興天子思十五國風為致治之本於是命天下各勒成一書而見五先生來典吾郡以司光之材奮董狐之斷四聘名儒搜討隱僻挂漏以續萬曆之所未足吾讀之有三善焉能撮前人之長而不遺其細使吾郡之典章如觀掌果如數家珍一善也武林為宋氏故宫得稱城闕邇來忠孝節義理學文章褒然作冠冕領袖

潛德幽光、從茲不墜、二善也。賦役自減、以至增、河
渠由開而恐塞、以至江海之列、駐防、歲時之載、淳
樸、近日東南、當天下三分之一、是陸海神皋也。讀
是書者、可以觀民風、可以占世德、可以恢吏治、可
以識兵機、三善也。先生以名孝廉、饒經世大略、當
吳逆煽亂時、以赤手守延綏、川陝之勢、不能復合、
績最奇、今守吾郡、肅清綱紀、大小畢舉、而又以暇
從父老子弟、徵求故典、以成是書、古人云、以整以
暇、後之讀是書也、於以覘公之治、此其大者矣。
李鐸序、國家之傳信、莫如史、州郡之傳信、莫如志、

杭縣志稿卷一

十

而志與史實則互相表裏者也。故郡邑不可一日
無志、猶之國家不可一日無史。杭為海內奧區、名
山大川、甲於天下、蓋東南之一大都會也。襟長江、
帶瀛海、天目為萬山之宗、而天挺其秀、西湖為一
郡之勝、而地效其靈。秦漢皆屬會稽郡、自東漢之
後、雖沿革不常、要為東南財賦之藪、人民廣眾、賦
役殷繁、其後宋室南渡、建都臨安、是郡遂為京邑、
城池日以廓、戶口日以增、宮室、廡宇、陵墓、祠廟、日
以繁多、歷世忠孝之士、功烈之臣、貞潔之婦、詞章
之客、紛紛紜紜、千百年於茲、皆足以風世而勵俗、

英賢名宦之善政嘉猷良法美意足以為後人之
法則而楷模溝洫田疇徭役恤政學校禮制兵防
選舉之大星野形勝祥異之分舊志雖有成書而
簡編多殘缺失次前刺史馬公增修其志成各彙
為一編使觀者易於考訂誠善舉也吾聞風俗與
化移易務在因地而制宜後先雖有同揆寧不日
遷而月異况我朝王會圖書之盛光被四表要荒
之下咸貢車書以備史臣之贊述矧茲東南重地
兩浙名區豈容一日缺其紀載乎予也不揣譎陋
書所見聞爰附其近事於編末庶後乎予者之源

杭縣志稿卷一

十一

源相續也

乾隆杭州府志一百十卷昭文邵齊然輯儀徵鄭澐

修成

按浙考作知府儀徵鄭澐修余姚邵晉涵等纂又首六卷

鄭澐叙略成周邦國之志漢輶軒所上隨計之書
遐哉不可觀矣方今郡籍綜薈石室藏儲郡邑志
乘專書權輿自宋若新安吳郡會稽諸志莫不辨
章古訓揚權方來而臨安志獨哀然稱巨製豈徒
以瞻涉遐博綴緝條整哉臨安故宋行都凡夫儀
度令章秩署營街因沿遷移以及溝渠坊巷土俗
謠諺之傳部居連次包洪并織俱堪與史書疏證

非羅願、范成大、陳耆卿、施宿諸人，僅志一鄉一邑之掌故已也。其時偏安一隅，規模狹隘，載述者縱奮筆鋪張，未遘其盛。今杭為會垣，治推淮引閩，山海靜謐，廬井輯和，民生其間，沐浴德化，煦燠熙春，軒轅忭詠，式遇聖時巡，仁溥惠洽，我皇上續承懋緒，法祖六巡，海隲江汭，涵術淪疏，衛民生裕，民俗之源，悉昭宸畫，樹丕基於億萬載。杭人瞻覲，區養益臻，茂良孝弟，姍睦登於書，孳育豐穰，登於書。是則宋時杭州舊志為諸志之冠，而屈今杭州，遭遇昌期之盛，又豈宋人所能希及哉。前郡守邵君

杭縣志稿卷一

十二

閣谷創議修府志，麤具冊編，未遑歲事。余承乏守茲土，亟圖纂成。會里人金子惺、莽獨任經費，余迺鈎稽故牘，設局編纂，與賢士大夫往復商榷，簿書之暇，躬自審研，庶幾匡誤拾遺，約舉端末，大致徵引前言，新於傳信，條繫書名，用龍龕手鏡例也。羣說參互，論歸一是，證明以案，用五經同異例也。分門列目，斟酌宜，則宋時臨安舊志例也。杭州夙著才藪，稱先則左，嫻習舊聞，惇行砥學，仰承壽宇，卓躒千古之閎休，從事簡策，有榮幸焉。

杭州府志按乾隆時修杭州府志，創於四十三年。

知府昭文邵齊然、總修者錢塘汪徵君沅、會稽王編修增餘、邵編修晉涵、稿本略具、時巡撫王亶望以貪黷著、如皋王燧、覬覦杭守、夤緣亶望、乃黜邵而任王燧、聘嘉定錢明經獻之校正、丹徒王太守文治釐定之、四十四年十二月付梓、冒為己輯、並不述邵之始事及助纂諸人姓名、又不盡從王錢兩君校釐之本、四十五年十二月、亶望獲咎革職、旋因捏災蝕款、罹大辟、王燧擢杭嘉湖道、四十六年正月、以驕縱不法、行同市儈、職、四十九年知府儀徵鄭澐乃復以邵稿續行修正、總修者仍為

杭縣志稿卷一

十三

邵晉涵依據原本、詳加考覈、增所未備、刻於四十九年十一月、鄭志出而王志以廢、

杭州府志一百七十八卷、又卷首八卷、錢塘吳慶坻修

清光緒六年、知府龔嘉傷、延劍州李榕重修、無錫秦緬業、慈谿馮一梅、錢塘濮子潼、張預、吳慶坻等繼之、而志稿具、至二十年、黃巖王榮續之、名光緒杭州府志、合卷首卷末共二百十二卷、未刻、民國初年、仁和陸懋勳復為刪補、仍由吳慶坻續成之、改今名、

陳瑀序略乾隆四十九年前守鄭公聘餘姚邵先生綜諸舊志成乾隆府志百十卷篇帙既富體例尤精顧兵燹以後其書流傳漸尠越今又百餘年咸豐寇亂遺書放佚將以徵攷文獻靡所取資光緒六年前守龔君嘉雋禮延郡之賢士大夫踵邵志為標目曰光緒杭州府志文繁事富卷帙視前增益且倍之尋以費絀輟業數稔前守祁陽陳君文騷賡續成之甚盛事也今年瑀承乏知府事郡紳丁君丙以志稿來相屬謂將謀鋟木而猶懼其或未精審也原纂諸君子或官禁近或官他方期得通史裁治國聞者一人重任覆校事瑀為延黃巖王君棻董理之乃於原稿通校一周糾其失而補其漏勒為例言以待劄氏

杭縣志稿卷一

十四

王棻序略杭為宇內名都左江右湖地靈人傑文武忠孝史冊爛然甲於東南諸行省而前志流傳則以潛氏說友咸淳志陳氏善萬曆志為最著皆見聞殫洽條理詳明足以繫文獻之傳而裨列史之闕至國朝康熙乾隆二志或簡而未覈或博而不精蓋與潛陳二志未可同日而語矣今茲所纂雖仍以舊志為本而拾遺訂誤讐校纂詳固非苟

焉鈔撮舊聞以自為功也。且夫地志之書雖為史之支流而其體實與史異。或乃規撫史書以紀為首而人物冒稱列傳則失之僭而近於誣。茲編首卷所載不敢稱紀人物分門不名列傳所以避僭擬之失也。周禮誦訓掌道方志以詔觀事土訓掌道地圖以詔地事蓋古者圖經與方志異而今之地志則不可無圖亦置之首簡所以避淆混之失也。至於建置兵事名宦人物則皆以史為本而參稽羣籍以期美備然而卷踰二百紙近萬番抵牾複纏知所難免惟望大雅君子是正其闕失焉。

杭縣志稿卷一

十五

盧永祥序略光緒中葉前郡守陳文縣陳瑀先後諮錢塘丁徵君丙聘士夫之能文者一再修之始於乾隆乙巳續鄭志也訖於光緒甲午稿脫而未授梓歲丙辰巡按屈映光延仁和陸太史懋勳續纂之書未成而太史已捐館舍會伊通齊耀珊來長是邦不欲使杭之文獻續而復絕因敦請錢塘吳提學慶坻總裁其事提學長於乙部兼綜掌故抱遺訂墜載筆以宣統三年為斷既蒞事論者謂羅願之新安范成大之吳郡志不是過也書成而授梓之費未敷適余領兩浙師干弢餘燕息樂與

都人士樽酒論文縱譚及此謹舉俸餘成斯盛舉
萬曆錢塘縣志十卷新淦聶心湯修按浙考謂係錢唐虞淳熙纂
聶心湯序略閱是編者察吏治所以良窳財賦所以盈縮人才所以虛實戶口所以登耗風氣所以淳侈予以蚤見力挽酌弛張而分輕重此可以宣風教

康熙錢塘續志

卷真定梁允植修

按浙考無續字為廿六卷

梁允植序略今上御極之十有一年四方嚮化海宇同風凡累朝未辟之疆土悉隸版籍天子開明堂受方物因考圖數貢愾然而興曰此非我祖宗

杭縣志稿卷一

十六

積累之久櫛沐之勤無以致是今將齊萬方之舊志俾出於一必先考夫山川之險易人物之秀樸以周知剛柔奢儉之宜爰命修一統志以昭示永久於是部檄下直省各直省以部檄下所轄郡邑而允植適剖符來令錢塘快觀修明盛事竊念一統志之成必自一邑始誠使邑長吏各慎其事以上諸郡則為一郡之書郡長吏各總其要以上諸省臣則為通省之書彙諸省之所登而臚陳之加詳核焉以播之邦國垂之萬世則為大一統之全書矣然則一邑者一統之所權輿也錢邑舊志為

故明神宗時聶令心湯增修距今六十餘載其間
代已更革急有待於後人之補葺而兵燹凋殘故
家遺籍十存一二即零碑斷碣亦半沒於荒烟蔓
草之中如是而欲訪求廢墜搜討故實以成一邑
之勝觀不誠難哉所幸城郭猶是湖山如昔夢華
桑海之傳東湖西臺之紀側出於劫灰既燼之餘
猶足供今日之考證逮入國朝以來割城分閭節
制上游遂為全浙重鎮三十年間人文秀美風俗
醇厚其卓越可傳者筆不勝書用是輟簿領之餘
暇與邑中賢士大夫憑今弔古孳孳矻矻訖有成

杭縣志稿卷一

十七

書較聶令故帙加半焉

錢邑志林四十卷邑人吳農祥撰

康熙錢塘縣志三十六卷南康魏嶧修

按浙考係慈溪裘璉等纂

有首一卷

魏嶧序曰郡邑之有志也王者三重之道寓乎其
中六經言其理志乘載其事人以為志與史同而
吾以為志重於史史浩繁而難窺志簡核而易考
史迂遠而志親切其用不同也於以昭紀綱察理
亂別貞淫厚風俗均在於是徒沾沾戶口賦役
里市物產瑣屑之務而已自一邑而推之州郡州

郡推之直省、天下莫不皆然、志願不重乎哉、錢塘自嬴秦迄今二千餘年、地大而事繁、山川人物甲於九有、萬曆而後、闕無志乘、我朝統一區宇、赫濯聲靈、所以子元元、覃教化者、莫不鋪張盛業、鼓吹休明、而茲邑志乘不光、豈非盛朝之缺典乎、曠承乏是邑、兩年來兢兢、夙負幸無隕越、暇遂與邑中賢士大夫謀、襄是役、咸鼓舞樂從、請諸各憲、僉獲報可、未幾、有以難相沮者、予慨然曰、何難乎、泱泱大邦、文獻非無徵也、賢才萃處、三長非乏選也、倘供億剗厠之費是虞、則築室道旁、三年不成、舉之

杭縣志稿卷一

十八

而已、人謀具臧、必天心之所祐也、於是聘名賢、羅載籍、選名勝之區、是纂是輯、六閱月而志成、予俯而有思、仰而歎、謂錢塘之志、不同他邑、區區誇湖山之佚麗、颺都邑之繁華、侈詞翰之藻豔、羨古蹟之幽奇、何益於風教、何補於經濟乎、必也覽之而使人知帝德之闡深、王謀之訏定、則同軌之德昭、知名臣之撫牧、賢尹之承宣、則同倫之化洽、知人材之奮興、士氣之昌醇、則同文之教著、外此而湖山之游讌、風同僑盼、則非秦賈之淫濫矣、閭井之恬熙、俗追漢唐、則非宋明之佚樂矣、文章之彬彬、

盛同鄒魯則非美成之樂府。皋羽之哀愁矣。如是而始為本朝之雅志。於以揚盛業而贊休明。豈不偉哉。嶮學儉材。燕何足以幾萬一。而唯是與編纂諸公共相抉擇。存其正。弗存其詭。存其實。弗存其誇。庶幾弗貽十斛米之譏。三家邨之誚焉耳。

錢塘縣志補邑人吳允嘉撰。鈔本六卷。無序目。

永樂仁和縣志。撰人卷冊皆未詳。

嘉靖仁和縣志十四卷。邑人沈朝宣修。

江曉序曰。惟仁和杭郡首邑也。郡昔有志。而諸邑彙載。未有專志。斯邑者。三吾沈子曷為志之。沈子

杭縣志稿卷一

十九

籍斯邑。每以闕志為念。第賓於京。董於涿。尚未遑也。迨陟尹江陵。即引恬而歸。日惟邑志。是圖博稽。郡志旁采。稗官徧歷。坊隅廣詢。故老越八載而會萃成編。其諸田賦戶役。則有司存。爰質於邑令。成齋王侯。悉錄以畀郡守。玉山巖公。式嘉厥成。而沈子之志。於是手慰矣。乃鳩工繕書。圖雕縷梓。以傳。謂予亦籍斯邑。盍識諸簡端。予自歸田。雖日稽古典。恆以弗克述。作為愧。顧誌志成。曷任欣羨。敢不敬識。夫志為義大矣哉。君子所以章往而示來也。越稽周禮。邦國之志。小史掌之。四方之志。外史掌

之、肆凡遐方小邑、罔不有志、矧元服首邑乎、蓋以天道、則星野載焉、以地道、則疆域載焉、以人道、則文獻載焉、否則前罔攸徵、否則後罔攸繹、志之不可以已也、如是、然學弗博者、鮮克詳、識弗精者、鮮克實、志弗篤者、鮮克終、矧或畏難而止、或避嫌而止、或憚勞費而止、夫如是焉、攸成、惟三吾子宿學多識、而加以篤志、是故因略以致詳、因名以求實、因舊以增新、雖遠涉不以為勞、雖下詢不以為恥、雖捐服器不以為費、凡聞一善行、見一古蹟、欣然有喜色、日研諸慮、以載諸牘、夫豈為是以干譽哉、

杭縣志稿卷一

二十

蓋欲展素蘊、故不畏難、不避嫌、而汲汲圖之耳、夫首之於星野、而天道昭矣、次之以疆域、而地道昭矣、次之以文獻、而人道昭矣、羣分類聚、網舉目張、而以紀遺終焉、亶哉、可以章往、可以示來矣、吾聞君子進則敷教以育才、退則敷文以垂世、敷教所以行道也、敷文所以明道也、三吾子仕則曲成士類、歸則曲成邑志、非志於道而果於為、其孰能與於此、是以郡守嘉之、邑令贊之、而鄉黨亦樂道之、若體裁義例、暨抑揚損益、且載厥志、予未之盡觀也、夫焉攸言、嘉靖己酉桂月上浣、

四庫全書總目。此志撰於嘉靖己酉。凡例謂義例悉依洪武府志。案西湖游覽志云。洪武初。徐一夔著杭州府志。頗稱簡明。則所據者一夔本也。體例頗謹嚴。較他地志之冗濫。差為勝之。其稱舊志。備載詔敕。蓋用咸淳臨安志例。不知其時臨安為都城。所以備錄。明代已非都城。即為贅文。其說最協。至於碑刻之文。祇載其目。使後世無從考證。則失之太簡。又引用諸書。或以己意。皆不著其所出。則益啟杜撰之門矣。其書舊未刻板。萬曆中。諸生鄭圭有鈔本。為邑令周宗建携去。國朝順治丁酉。錢

杭縣志稿卷一

二十一

塘知縣沈某於宗建家求得之。邑人朱之浩始為傳寫之。浩跋稱其事。贅細注略而不詳。尚需增輯云。

案錢塘知縣為沈虬

康熙仁和縣志二十八卷三韓趙世安修

按浙考謂錢塘顧豹

文邵遠平纂

趙世安序略。仁邑領九縣之首。與錢塘分治會城。自有宋至皇朝。幾七百餘歲。前此為錢氏國都。為南宋帝輦。歷元以迄勝國。號稱劇邑。牧茲土者。雖受成於上。而承流宣化。較十一州之邑。為難。乃萬

家烟火五方雜糅率以樂土歸之按其名則是覈其實則非由國初至今以余所見聞已為數變幼時家叔祖君鄰公以平南將軍蒞浙尋遷督府開制闡於省治家人歸者述山川風俗說為沃壤願得一至其地登臨眺覽窺大邦之名勝比長侍家大人官浙東道出武林隨地寓目但見郵傳繁多供億良苦邑令當夜不能寐從意今者承乏是邑昔之耳聞目見者而身親任之甫二載會有修志之役乃延郡中耆舊文學廣搜博采遲遲歲月始得勒成一書凡體國經野貢賦典章人文禮樂屬

杭縣志稿卷一

二十二

在錢塘者不敢掠美摭入庶幾傳信垂之永久使後之來者獲覩文獻之備考其得失誠首郡之模表也然余於此竊有慨焉受事之初苦無舊志雖載筆編摩止取附見郡乘者以先之最後得沈朝宣鈔本歷年既久不無缺略夫仁邑自宋太平興國置縣以來豈無名賢崛起稽討故實如徐渭撰山陰志胡震亨作海鹽志皆以一人總攬而成首邑名區上下數百載而闕焉未備幸藉諸君子之力舊聞新紀摺載而至益耳目所未及然闕疑訂誤其慎其難今而後庶可按籍而求鑒往知來於

政教未必無小補云。

顧豹文序曰。吾郡負郭為錢塘。仁和。錢塘名最古。為秦時建。而仁和則朱梁均王龍德二年。析錢塘鹽官二縣。置錢江縣。是時吳越屬錢氏。朱梁之龍德二年。武肅之天寶十五年也。吳越備史云。割錢塘。鹽官各半。及富春之長壽。安吉二鄉。置錢江縣。是也。宋太宗太平興國三年。錢氏納土。四年。始改錢江為仁和。至高宗南渡。建炎三年。自建康如杭州。升為臨安府。而仁和與錢塘俱為畿輔地矣。蓋嘗考山川形勢及建國立社之故。而知古今有必

杭縣志稿卷一

二十三

不可同者。齊之所封者營邱。即臨淄地也。自南燕一移廣固。而益都為重。作青齊之鎮。而言臨淄者。即蘇秦侈譚二十一萬之衆。後皆遜於廣固矣。秦之所霸者咸陽。所謂金城天府也。自西漢一移長安。為重。作崤函之鎮。而言咸陽者。即舉孝公創業之艱。商鞅控制之烈。後皆遜於長安矣。由是以思郡縣之沿革。因於山川。山川之堅瑕。因於形勢。故以吾郡言之。為鹽官。為餘杭。則以錢塘為巖邑。壯縣。此自唐以前言之也。若隸臨安。隸杭州。始於錢武肅。成於宋建炎。則又以仁和為巖邑。壯縣。此自

唐以後言之也。仁和之志久未有成書。鄉先輩沈公朝宣僅有稿本。又零落失次。且自萬曆之初。迄我朝康熙。相去且八十年。縱其書完善。其所宜補者多矣。吾嘗謂吾郡之人材。風俗。物產。土田。為東南之股肱者。自唐以前。則俱當歸之錢塘。蓋朱梁龍德以上。尚無錢江。安得有仁和。武肅折而為二。建炎從而定之。於是與錢塘夾峙。則自宋以下。當悉稽往牒舊史。以鈐序其隆替甲乙。世之淺者。僅以仁和視仁和。於是五季之戰爭。南宋之賦歛。舉不能悉其故。而號為雄辯者。則又牽引錢塘之所

杭縣志稿卷一

二十四

載以實之。使淄澠無別。涇渭莫辨。皆非著述之才也。邑侯趙公以廉律已。以恕待物。修舉廢墜。百務並行。會有修志之役。一筆一削。皆質諸故老。驗諸遺獻。卓然成一家言。仁和之有志。蓋自公始矣。按錢江縣之立也。吳越備史云。錢江縣治。在今武林門內。梅家橋南。而冊府元龜云。晉天福七年。敕州縣名有與高祖諱犯者。悉改之。改杭州錢唐為錢江。歐陽忞輿地廣記亦云。晉天福中。避高祖諱。改錢唐為錢江。後別置錢塘。與錢江分治。然則仁和之本錢江。錢江亦本錢塘。亦一縣耳。而今之錢塘。

非昔日之錢塘乎。兩書各有所據者，姑存之。以質之博雅君子。是書之成，學士邵戒三實襄其不及焉。若余之弁鄙，徒事校讐，無能為役也。

杭縣志稿卷一

二十五



杭縣縣境番




图 例

桥	市	山	堤	铁	公	河	乡	镇	区	县	政	公	人	乡	区	县
梁	镇	脉	塘	路	路	流	府	所	民	府	界	界	界	界	界	界

比例尺 1:100000

20 市里
10 公里



